

Na osnovu člana 18. Stav 1. Zakona o udruženjima i fondacijama (Službene novine Federacije BiH br. 45/02.) Skupština Unije studenata a Univerziteta „Džemal Bijedić“ Mostar na sjednici održanoj 30.9.2007. godine donijela je:

STATUT

Unija studenata Univerzitet „Džemal Bijedić“ u Mostaru

PREČIŠĆENI TEKST

I. OPŠTE ODREDBE

Član 1.

Ovim statutom bliže se određuje: status i položaj Unije studenata Univerziteta „Džemal Bijedić“ iz Mostara, naziv, sjedište, programski ciljevi, članstvo, prava i dužnosti članova Unije studenata, način organizovanja, organi i način njihovog biranja i opoziva, trajanje mandata i način odlučivanja, javnost rada, povezivanje sa drugim organizacijama, društvima i ustanovama u i izvan BiH, način donošenja Statuta i drugih opštih akata, njegova izmjena i dopuna i druga pitanja značajna za Uniju studenata.

Član 2.

Sjedište Unije studenata je u Mostaru, USRC „Midhat Hujdur – Hujka“, a obavlja djelatnosti na području HNK, te sarađuje sa srodnim udruženjima i drugim institucijama u BiH i inostranstvu.

Član 3.

Unija studenata Univerziteta „Džemal Bijedić“ Mostar je nevladina, vanstranačka, neprofitna organizacija studenata, koja okuplja studente sa svih fakulteta, akademija i studija koji egzistiraju na Univerzitetu „Džemal Bijedić“.

Naziv organizacije: Unija studenata Univerziteta „Džemal Bijedić“ Mostar (u daljnjem tekstu Unija).

Član 4.

Unija ima svojstvo pravnog lica.

Unija ima svoj devizni i žiro račun.

Unija ima svoj pečat, grb i zastavu.

Posebnom odlukom Skupštine Unije se određuje izgled grba i zastave, izgled i tekstualni sadržaj pečata.

Član 5.

Uniju predstavlja predsjednik Unije, a uz njegovo odobrenje potpredsjednik Unije ili sekretar Unije.

Član 6.

Unija se može udruživati u federalni i državni studentski savez ili uniju, te u međunarodna udruženja o čemu prijedlog donosi Predsjedništvo, dok Skupština donosi konačnu odluku.

II. PROGRAMSKI CILJEVI I DJELATNOSTI

Član 7.

Programski ciljevi i zadaci Unije su:

- Učešće studenata u procesima kreiranja i realizovanja programa rada fakulteta i Univerziteta i participacija u organima i tijelima visokoškolskih institucija BiH.
- Afirmacija naučnih, kulturnih i intelektualnih vrijednosti bosanskohercegovačkog društva i na tim vrijednostima, kao i na civilizacijskim tekovinama, razvoj svestrane studentske ličnosti.
- Uključivanje studenata u evropske i svjetske tokove života prevazilazeći geografske i političke regionalizacije i ograničenja, kao i uključivanje studenata u sve tokove obnove i razvoja BiH.
- Zalaganje za slobodu naučnog, nastavnog i obrazovnog procesa fakulteta i Univerziteta i otvorenog dijaloga sa društvom.
- Permanentne aktivnosti na ostvarivanju optimalnih uslova socijalno – zdravstvenog i materijalnog obezbjeđenja kao i stvaranje uslova za uključivanje diplomiranih stručnjaka u proces rada.
- Uspostavljanje međunarodne saradnje na strukovnom, naučno – stručnom, kulturno – zabavnom i sportskom nivou.
- Razvijanje ferijalne prakse u zemlji i inostranstvu za potrebe studenata zasnovane na naučno-stručnim programima fakulteta i Univerziteta.
- Organizovanje tribina, javnih rasprava, seminara, simpozija i drugih kulturnih manifestacija.
- Druge aktivnosti i poslovi značajni za Uniju.

DJELATNOSTI

- Zastupanje i prezentovanje prava i interesa studenata pred organima i tijelima Univerziteta i državnih institucija BiH.
- Briga o studentskom standardu i pravima studenata.
- Ostvarivanje međunarodne saradnje sa studentskim organizacijama kao i naučno-istraživačkim institucijama i fondacijama.
- Udruženje može u okviru svojih djelatnosti i programa ciljeva osnovati subjekte za privrednu i druge djelatnosti, pod uvjetima određenih zakonom.

III. PRAVA, DUŽNOSTI I ODGOVORNOSTI ČLANOVA

Član 8.

Članom Unije postaje svaki student Univerziteta «Džemal Bijedić» uplatom članarine i upisom na Univerzitet «Džemal Bijedić». Članstvo u Uniji imaju svi studenti bez obzira na spol, rasu, nacionalnost, etničku pripadnost, religiju, jezik, društveno porijeklo, političku opredijeljenost ili uspješnost studiranja.

Član 9.

Studenti fakulteta koji nisu učestvovali na izbornoj Skupštini Unije iz razloga što o tada fakultet nije konstituisan, podnose zahtjev za prijem u Uniju. Skupština Unije će na prijedlog Predsjedništva, na vanrednoj sjednici odlučiti o podnesenom zahtjevu. Sjednici Skupštine, na kojoj će se razmatrati zahtjev, prisustvovat će predstavnici studenata fakulteta – podnosioca zahtjeva.

Član 10.

Počasnim članovima Unije mogu postati studenti i profesori iz zemlje i inostranstva koji svojim radom, djelatnošću i materijalno-tehničkom pomoći doprinose ostvarenju programskih ciljeva i zadataka Unije i Univerziteta
Počasne članove Unije predlaže Predsjedništvo, a Skupština donosi konačnu odluku.
Počasni članovi Unije nemaju pravo odlučivanja u Uniji.
Kriterije dodjele određuje Predsjedništvo.

Član 11.

Članovi Unije imaju pravo slobodnog istupa iz članstva Unije. Članovi koji istupe ili budu isključeni iz Unije, dužni su izmiriti materijalne i druge obaveze prema Uniji.

Član 12.

Ukoliko pojedini članovi Unije narušavaju programske ciljeve i zadatke Unije, te opstruiraju njen rad, oni se upozoravaju da svoje djelovanje usklade sa programskim

ciljevima i zadacima Unije. Ako nakon pismenog upozorenja ne usklade svoje djelovanje u roku od 30 dana sa programskim ciljevima i zadacima Unije, Predsjedništvo Unije može zahtijevati vanredno zaka zivanje Skupštine Unije na kojoj će se sporno pitanje raspraviti.

Predsjedništvo će pripremiti prijedlog za Skupštinu Unije, čija je odluka konačna.

Član 13.

Članovi Unije imaju pravo:

- Iznošenja svojih mišljenja i stavova.
- Pokretanje inicijativa za koje smatraju da su od koristi za poboljšanje studentskog standarda.
- Pokretanje pitanja odgovornosti organa i funkcionera Unije, te ostvarivanje uvida u rad organa Unije preko svojih predstavnika.

Član 14.

Članovi Unije imaju sljedeće dužnosti:

- Pridržavati se Statuta i drugih općih akata Unije.
- Ostvarivanje programskih ciljeva i zadataka Unije.
- Učestvovanje u zajedničkim akcijama.

IV. ORGANI UNIJE

Član 15.

Organi Unije su:

- Skupština
- Predsjedništvo
- Nadzorni odbor

SKUPŠTINA

Član 16.

Skupština je najviši organ Unije koji se konstituira nakon provedenih provedenih izbora na visokoškolskim ustanovama i Studentskom centru.

Skupština Unije broji 34 člana, od čega po 4 sa svih visokoškolskih ustanova i 2 iz Studentskog centra.

Ukoliko predsjednik ili potpredsjednik asocijacije studenata visokoškolske ustanove i Studentskog centra budu izabrani za člana Predsjedništva Unije studenata, odnosno predsjednika, potpredsjednika ili sekretara Unije, dužni su podnijeti ostavke na mjesto predsjednika, odnosno potpredsjednika asocijacije studenata visokoškolske ustanove i studentkog centra.

Način izbora i organ koji ih provodi utvrđuje Predsjedništvo.

Skupština na izornoj sjednici verificuje svoje članove.

Skupština može raditi i odlučivati ukoliko joj prisustvuje natpolovična većina članova.

Sve odluke Skupštine se donose dvotrećinskom većinom prisutnih članova.

Član 17.

Skupština bira svog predsjednika i zamjenika predsjednika dvotrećinskom većinom prisutnih članova.

Svaki član Skupštine može se kandidovati za predsjednika i zamjenika predsjednika Skupštine.

Mandat predsjednika i zamjenika predsjednika Skupštine traje dvije godine.

Mandat predsjednika i zamjenika predsjednika Skupštine prestaje istekom, ostavkom i smjenom.

Mandat članova Skupštine traje dvije godine.

Mandat članova Skupštine prestaje istekom, ostavkom i opozivom.

Popuna upražnjenih mjesta Skupštine vrši se iz reda studenata onog fakulteta, kojem je pripadao član kojem je prestalo članstvo u Skupštini Unije.

Član 18.

Skupština se sastaje u redovnom i vanrednom zasjedanju.

Redovna zasjedanja Skupštine održavaju se svako šest mjeseci, dok se vanredna zasjedanja zakazuju po potrebi.

Skupštinu saziva Predsjednik Skupštine na zahtjev:

- Predsjedništva,
- Nadzornog odbora,
- najmanje jedne trećine članova Skupštine.

Od dana sazivanja do dana održavanja Skupštine mora proteći najmanje pet dana.

Sazivač je dužan predložiti dnevni red i potrebni materijal.

Član 19.

Odluke Skupštine se donose dvotrećinskom većinom prisutnih članova Skupštine u okviru nadležnosti:

- Donosi Statut, te vrši izmjene i dopune Statuta Unije.
- Utvrđuje politiku i program razvoja Unije.
- Utvrđuje godišnje i dugoročne programe rada Unije.
- Odlučuje o prijemu novih i prestanku članstva starih članova Unije.
- Odlučuje o udruživanju u međunarodna tijela i druge asocijacije.
- Bira i razrješava članove organa, kao i kompletne organe Unije.
- Daje tumačenje Statuta i drugih radnih akata koje donosi.
- Donosi Poslovnik o radu Skupštine.
- Odlučuje o promjeni naziva Unije.
- Razmatra finansijske izvještaje.

Član 20.

Skupština može izglasati nepovjerenje svim organima Unije ukoliko ne izvršavaju svoje zadatke i poslove.

Nepovjerenje se izglasava dvotrećinskom većinom prisutnih.

PREDSJEDNIŠTVO

Član 21.

Predsjedništvo je izvršni organ Unije kojeg čine predsjednik, potpredsjednik, sekretar i 9 članova Predsjedništva, od čega je po jedan sa visokoškolskih ustanova, a jedan iz Studentskog centra.

Prijedlog za člana Predsjedništva daju članovi Skupštine pojedinačno po visokoškolskim ustanovama, odnosno iz Studentskog centra.

Izborom za člana Predsjedništva prestaje članstvo u skupštini Unije studenata.

Upražnjeno mjesto u Skupštini Unije studenata popunjava se na način da članom Skupštine postaje kandidat koji je bio na listi za skupštinu iza studenta koji je izabran za člana Predsjedništva Unije.

Skupština verifikuje predložene članove Predsjedništva na Izornoj sjednici.

Mandat članova Predsjedništva je dvije godine.

Mandat pojedinih članova Predsjedništva prestaje istekom mandata, ostavkom i opozivom.

Predsjedništvo radi u sjednici kojoj je prisutna dvotrećinska većina članova.

Predsjedništvo se sastaje najmanje jednom u 15 dana.

Predsjedništvom predsjedava predsjednik Unije.

Član 22.

Skupština Unije na svojoj izbornoj sjednici dvotrećinskom većinom prisutnih članova bira predsjednika Unije, potpredsjednika i 9 članova Predsjedništva.

Predsjednik i potpredsjednik Unije ne mogu biti sa iste visokoškolske ustanove.

Sekretara Unije bira Predsjedništvo Unije na osnovu konkursa raspisanog među studentima Univerziteta „Džemal Bijedić“

Uslove za konkurs definiše Predsjedništvo Unije.

Nakon izbora od strane Predsjedništva, sekretar Unije prisustvuje sjednicama Predsjedništva sa pravom glasa.

Skupština na redovnoj ili vanrednoj sjednici može i zglasati nepovjerenje predsjedniku, potpredsjedniku i sekretaru, te članovima Predsjedništva, ukoliko oni ne obavljaju svoje zadatke i poslove.

Nepovjerenje se izglasava dvotrećinskom većinom prisutnih članova Skupštine..

Član 23.

Predsjedništvo obavlja sljedeće poslove:

- Sprovodi odluke Skupštine.
- Bira i razrješava dužnosti sekretara Unije.
- Predlaže donošenje opštih akata koji su u nadležnosti Skupštine.
- Predlaže konkretne programe rada.
- Donosi Poslovnik o radu Predsjedništva.
- Daje tumačenje opštih akata koje donosi.
- Imenuje predstavnike Unije u Senat, Upravni odbor i druga tijela Univerziteta.
- Verificira mandate studentskih predstavnika u udruženjima studenata fakulteta i Nastavno-naučnim vijećima fakulteta.
- Ostvaruje nadzor nad radom udruženja studenata koji djeluju na Univerzitetu,

- Ostvaruje zajednički utvrđenu politiku i program razvoja Unije.
- Utvrđuje prijedlog finansijskog plana i završnog računa.
- Imenuje stalna i povremena radna tijela za obavljanje programskih zadataka Unije.
- Obavlja druge poslove i zadatke.

Član 24.

Predsjedništvo je dužno Skupštini da prezentira izvještaj o radu, finansijskom i materijalnom poslovanju Unije.

NADZORNI ODBOR

Član 25.

Nadzorni odbor vrši kontrolu zakonitosti u radu i finansijskom poslovanju Unije. Nadzorni odbor je sačinjen od osam članova, sa svakog fakulteta po jedan član, a iz redova Skupštine. Izbor članova vrši se po istom principu kao izbor članova Predsjedništva.

Nadzorni odbor bira predsjedavajućeg iz svog sastava.

Članovi Nadzornog odbora ne smiju biti članovi Predsjedništva.

Mandat članova Nadzornog odbora je dvije godine.

Mandat članova prestaje istekom, ostavkom i opozivom.

U slučaju prestanka dužnosti članova Nadzornog odbora, Skupština je dužna pokrenu ti postupak izbora novih u roku od 30 dana.

V. PREDSJEDNIK UNIJE

Član 26.

Predsjednika Unije bira Skupština dvotrećinskom većinom na svojoj prvoj izbornoj sjednici iz reda svojih članova.

Izborom na funkciju predsjednika prestaje članstvo u Skupštini Unije.

Mandat predsjednika Unije je dvije godine.

Mandat predsjednika Unije prestaje istekom, ostavkom i smjenom.

Član 27.

Prava i obaveze predsjednika Unije su:

- Predstavljanje i zastupanje Unije u zemlji i inostranstvu.
- Sazivanje, predsjedavanje, učestvovanje u radu i odlučivanju na sjednicama Predsjedništva.
- Potpisivanje svih akata i pismenih dokumenata koji se odnose na poslovanje Unije.
- Predstavljanje Unije u medijima.
- Zastupanje Unije u kontaktima sa drugim organizacijama.
- Raspolaganje i upotreba pečata Unije.
- Samostalno raspolaganje sredstvima Unije u iznosu do 200 KM mjesečno za potrebe Unije.

Član 28.

Ovlaštenja predsjednika Unije, u slučaju njegove odsutnosti, spriječenosti ili prijevremenog završetka mandata, prelaze na potpredsjednika Unije.

Predsjednik može biti smijenjen sa funkcije ukoliko ne ispunjava i ne podržava osnovne ciljeve Unije.

Predsjednika Unije na prijedlog Nadzornog odbora ili 1/3 članova Skupštine smjenjuje Skupština dvotrećinskom većinom prisutnih članova.

U slučaju da predsjedniku prestane mandat, Skupština je dužna pokrenuti postupak izbora predsjednika u roku od 30 dana.

VI. POTPREDSJEDNIK UNIJE

Član 29.

Izbor potpredsjednika Unije se vrši iz reda članova Skupštine po istom principu kao i biranje predsjednika Unije.

Izborom na funkciju potpredsjednika predstaje članstvo u Skupštini Unije studenata.

Mandat potpredsjednika Unije je dvije godine.

Mandat potpredsjednika Unije prestaje istekom, ostavkom i smjenom.

Član 30.

Prava i obaveze potpredsjednika Unije su:

- Zamjenjivanje Predsjednika Unije sa svim njegovim pravima i obavezama u slučaju njegove odsutnosti, spriječenosti obavljanja dužnosti ili po međusobnom dogovoru.
- Potpredsjednik može obavljati poslove predsjednika samo ako mu isti za to izda pismeno odobrenje.

VII. SEKRETAR UNIJE

Član 31.

Sekretara Unije bira Predsjedništvo Unije studenata na osnovu konkursa raspisanog među studentima Univerziteta „Džemal Bijedić“.

Uslove za konkurs definiše Predsjedništvo Unije.

Mandat sekretara Unije je dvije godine.

Mandat sekretara Unije prestaje istekom, ostavkom i smjenom.

Član 32.

Prava i obaveze sekretara Unije su:

- Obavljanje izvršnih poslova.
- Pripremanje materijala za sjednice i sastanke.
- Učestvovanje u radu Predsjedništva.

- Vođenje djelovodnog protokola Unije.
- Druga prava i obaveze koje mu dodijeli Predsjedništvo Unije.
- Raspolaganje i upotreba pečata Unije.

VIII. JAVNOST RADA UNIJE

Član 33.

Rad Unije, njenih organa i radnih tijela je javan.

Javnost rada se ostvaruje putem javnih sjednica, stalnog ili povremenog izvještavanja javnosti o aktualnim pitanjima Unije.

Izuzetno, pojedine sjednice organa ili tijela mogu biti zatvorene za javnost i u tim slučajevima poslije održane sjednice bit će dato saopštenje.

Član 34.

Izuzetno poslovna tajna se neće saopštavati javnosti.

Poslovnu tajnu sačinjavaju isprave i podaci čije bi saopštenje neovlaštenim licima bilo protivno poslovanju i štetilo ugledu i interesu Uni je.

Članovi Unije su dužni čuvati poslovnu tajnu.

IX. FINANSIJSKO-MATERIJALNO POSLOVANJE

Član 35.

Finansijsko-materijalno poslovanje Unije obavlja se u skladu sa zakonom i podliježe kontroli organa Unije.

Finansijski plan donosi Predsjedništvo.

Član 36.

Finansijska sredstva Unija ostvaruje iz:

- članarina,
- poklona i donacija,
- drugih prihoda.

Obim, namjena i raspodjela finansijskih sredstava utvrđuje se finansijskim planom za svaku godinu.

Uvid i raspolaganje sredstvima Unije, prema postojećem finansijskom planu, ima predsjednik i sekretar Unije.

X. PRELAZNE I ZAVRŠNE ODREDBE

Član 37.

Izmjene i dopune Statuta vrše se po postupku po koj em je Statut i donesen.

Izmjene Statuta može predložiti:

Predsjedništvo

Najmanje jedna trećina članova Skupštine

Član 38.

U slučaju prestanka rada Unije, Skupština Unije će odrediti šta će biti sa imovinom Unije.

Član 39.

Ovaj Statut stupa na snagu danom njegovog usvajanja na Skupštini Unije od kada se i primjenjuje.

Mostar,

Predsjednik Skupštine

Armin Čusto